



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/21-3-40-486-4/21**
Datum: **17.12.2021. godine**

„Agencija za vodno područje rijeke Save“ Sarajevo (u daljnjem tekstu: Agencija) rješavajući po zahtjevu pravnog lica „AUTO-AMMAR“ d.o.o. iz Velike Kladuše, za izdavanje vodne dozvole za ispuštanje oborinskih onečišćenih voda sa lokacije objekta benzinske pumpe sa pratećim sadržajima, na osnovu člana 109. stav 1. tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

RJEŠENJE **o vodnoj dozvoli**

1. Daje se vodna dozvola pravnom licu „AUTO-AMMAR“ d.o.o. Velika Kladuša, ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima locirane u ulici Prve muslimanske brigade bb, naselju Polje, općina Velika Kladuša, izgrađenog na zemljištu označenom kao k.č. broj 2363, 2363/2 i 2363/3, K.O. Trnovi, općina Velika Kladuša.
2. Ova vodna dozvola se odnosi isključivo na ispuštanje oborinskih onečišćenih voda za predmetni poslovni objekt definisan tačkom 1. ovog rješenja što ne obuhvata i automatsku autopraonicu koja je izvan upotrebe i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta benzinske pumpne stanice sa pratećim sadržajima, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Da se u toku važenja ovog vodnog akta, a u skladu sa dostavljenim dinamičkim planom broj 06/2021 od 15.12.2021. godine, pravno lice „AUTO-AMMAR“ d.o.o. Velika Kladuša, pristupi izradi i reviziji projektne dokumentacije vanjskog uređenja, da uradi snimak izvedenog stanja predmetnog lokaliteta sa tehničkim rješenjem sistema za prikupljanje, tretman i ispuštanje otpadnih voda iz objekta i sa lokacije predmetnog objekta benzinske pumpne stanice sa pratećim sadržajima, na nivou glavnog projekta. Projektna dokumentacija treba biti urađena od strane projektne firme koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH“, broj 17/08 i 38/12)
 - 3.3. Projektna dokumentacija pored općih uvjeta treba da detaljno obradi : situaciju terena u odgovarajućem mjerilu sa ucrtanim svim objektima koji su spojeni na vodovodnu i kanizacionu mrežu, proračun potrebnih količina vode za namjenu koja je predmet vodne dozvole (potrebne količine sanitarne vode, vode za čišćenje i održavanje radnog i manipulativnog prostora, pretakališta goriva i sl.), proračun količina i vrste otpadnih voda, koji treba da sadrži analizu hidrauličnog opterećenja i stepen prečišćavanja prikupljene otpadne vode u odnosu na granične vrijednosti ispuštanja u površinske vode u skladu sa

„Uredbom o uslovima ispuštanja otpadnih voda u okoliš i sisteme javne kanalizacije“ («Službene novine Federacije BiH», broj 26/20 i 96/20), način prikupljanja, tretmana i ispuštanja oborinskih, zauljenih i ostalih otpadnih voda sa radnih površina, manipulativnih i prometnih površina, površina namjenjenih za parking i pretakanje goriva (izvršiti analizu kapaciteta separatora ulja i masti za usvojenu količinu oborinske otpadne vode dobivenu na bazi hidrološkog proračuna), način prikupljanja i ispuštanja oborinskih voda sa krovova objekata benzinske pumpe i nadstrešnice, način zbrinjavanja fekalnih otpadnih voda iz objekta benzinske pumpe, mjesto za monitoring okno, definirati položaj objekta u odnosu na granice vodnog dobra obližnjeg vodotoka rijeke Kladušnice, sagledati sve moguće neželjene uticaje na planirani objekt, i planiranog objekta na druge objekte i postrojenja, stečena prava korisnika, postojeću infrastrukturu, naselja i slično, te dati prijedlog mjera za sprečavanje tih uticaja.

- 3.4. Revidovanu dokumentaciju iz tačke 3.2. ovog rješenja, treba dostaviti u ovu Agenciju na saglasnost, u roku od godinu dana od dana izdavanja ovog rješenja, a do kraja važnosti ove vodne dozvole ovjerenu projektnu dokumentaciju i realizirati u skladu sa važećim propisima o građenju.
- 3.5. Da se za oborinske vode sa manipulativnih kolovoznih površina parking prostora i pretakališta koje mogu biti onečišćene naftnim derivatima, u skladu sa EN-858 ugradi separator ulja i masti sa taložnikom, koalescentnim filterom i automatskim zatvaračem, odgovarajućeg kapaciteta shodno površini manipulativnog – kolovoznog prostora.
- 3.6. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.7. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i radnih površina nesmetano sakupljaju i odvođe do objekta predviđenog za tretman oborinskih onečišćenih voda (separator ulja i masti), a zatim tretirane vode ispuštaju u recipijent – rijeku Kladušnicu, uz osnovne podatke o recipijentu prečišćenih otpadnih voda.
- 3.8. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.9. Da se tokom važenja ovog Rješenja obezbijedi uzorkovanje otpadnih voda iz okna za monitoring definisan projektnom dokumentacijom iz tačke 3.1., shodno članu 23. stav (1) Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirni izvještaj dostavi Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3). Zakona o vodama i Pravilnika o uslovima koje moraju ispunjavati ovlaštene laboratorije, sadržini i načinu izdavanja ovlaštenja („Službene novine Federacije BiH“, broj 14/10).
- 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.)
- 3.11. Talog iz separatora se ne smije ni privremeno odlagati uz čestice „vodno dobro“, odnosno u vodotoke i na njegove obale.

4. Smještaj nafte i naftnih derivata se vrši u ukopanim dvoplašnim čeličnim rezervoarima ukupne zapremine 200 m³ (i to 100 m³ dizel, i 1x50 m³ BMB 95 i jedan rezervoar 1x50 m³ van upotrebe).
5. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 13. i 22. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
6. U periodu važenja ove dozvole, Investitor „AUTO-AMMAR“ d.o.o. iz Velike Kladuše je dužan provoditi sve mjere i aktivnosti propisane istom.
7. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
8. U ovoj upravnoj stvari plaćene su sve upravne pristojbe,
9. Prava stečena po ovoj dozvoli ne mogu se prenositi na treća lica.
10. Ova vodna dozvola, shodno članu 117. stav 1. Zakona o vodama („Službene novine Federacije BiH“, broj 70/06) se daje sa rokom važenja do **19.12.2023. godine** u skladu sa članom 26. Uredbe o uslovima ispuštanja otpadnih voda u okoliš i sisteme javne kanalizacije.
11. Prije isteka važnosti ove dozvole, pravno lice – korisnik objekta, je dužno da okonča sve radove propisane tačkom 3.2. do 3.5. ovog Rješenja. podnese zahtjev za izdavanje nove vodne dozvole.

O b r a z l o ž e n j e

Pravno lice, „AUTO-AMMAR“ d.o.o. Velika Kladuša, obratio se ovoj Agenciji dana 15.10.2021. godine sa zahtjevom za izdavanje vodne dozvole za ispuštanje oborinskih onečišćenih voda sa lokacije i iz objekta benzinske pumpne stanice, u ulici Prve muslimanske brigade bb, naselju Polje, općina Velika Kladuša.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o registraciji, broj: 017-0-Reg-14-000447, izdanog dana 25.07.2014. godine od strane Općinskog suda u Bihaću,
- Ovjerena kopija Uvjerenja o poreznoj registraciji, izdanog dana 25.07.2014. godine, od strane Federalnog ministarstva finansija, Porezne uprave – Knatonalni porezni ured Bihać,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-6537-2/15 izdanog dana 18.11.2015. godine od strane Uprave za indirektno oporezivanje oporezivanje Banja Luka,
- Kopija uplatnice administrativne pristojbe,
- Kopija Rješenja kojim se daje urbanistička saglasnost d.j.l. „Badženi-Comerce“ iz Velike Kladuše, za izgradnju montažne nadstrešnice u Velikoj Kladuši, naselju Polje, na zemljištu označenom kao k.č. broj 2362/2 K.O. Trnovi, a na osnovu Urbanističkog plana grada Velika Kladuša („Službeni glasnik opštine Velika Kladuša“, broj 7/81), izadnog od strane Službe prostornog uređenja i resursa – Odjeljenja za urbanizam općine Velika Kladuša, pod brojem 05/1-23/1-221/99, od dana 06.12.1999. godine,
- Kopija rješenja kojim se odobrava D.J.L. „BADŽENI COMERC“, iz Velike Kladuše, da kao investitor može izgraditi benzinsku pumpu sa autopraonicom u Velikoj Kladuši, na zemljištu označenom kao k.č. broj 2363/2, 2364/2, 2364/3 K.O. Trnovi po novom premjeru i k.č. broj 1996/11, 1996/14 i 1996/15 K.O. Velika Kladuša po starom premjeru koje se nalazi uz magistralni put M-4.2 Velika Kladuša-Cazin pod uvjetom da se pridržava ovjerene tehničke dokumentacije, datih urbanističko-tehničkih uvjeta i pribavljenih pojedinih saglasnosti, izdanog od strane Sektora za prostorno uređenje, stambeno-komunalne, katastar i imovinsko-pravne poslove općine Velika Kladuša, broj 05-361-77/97, dana 14.11.1997. godine,

- Kopija Rješenja kojim se odobrava DJL „BADŽENI COMERC“ iz Velike Kladuše da kao investitor može početi sa upotrebom objekta benzinska pumpa sa praonom vozila izdato od strane strane Sektora za prostorno uređenje, stambeno-komunalne, katastar i imovinsko-pravne poslove općine Velika Kladuša pod brojem: 05-363-19/98.god. dana 23.03.1998. godine,
- Glavni projekt objekta benzinske stanice, investitora DJL „BADŽENI COMERC“ iz Velike Kladuše, u naselju Polje, općina Velika Kladuša, izrađen od strane projektnog biroa „PLAN“ iz Velike Kladuše, pod brojem TD-9-96, od decembra 1996. godine, (na uvid),
- Glavni projekt mašinskih instalacija objekta benzinske stanice, investitora „BADŽENI COMERC“ iz Velike Kladuše, u naselju Polje, općina Velika Kladuša, izrađen od strane PROJEKTOG BIROA „PLAN“ iz Velike Kladuše, pod brojem TD-9/96, decembra 1996. godine, (na uvid),
- Dopuna glavnom projektu mašinskih instalacija, opreme i uređaja broj TD-9/96, od decembra 1996. godine, izrađenom od strane projektnog biroa „PLAN“ iz Velike Kladuše, za instaliranje dodatnog spremnika $V=80 \text{ m}^3$ i ostale opreme, od septembra 1998. godine, (na uvid),
- Kopija Rješenja o okolišnoj dozvoli pravnom licu „AUTO – AMMAR“ doo Velika Kladuša izdato pod brojem: 11/2-23-3338-UP-1/18 od dana 12.07.2018. godine, od strane Ministarstva za građenje, prostorno uređenje i zaštitu okoliša Vlade USK,
- Kopija izvoda tehničkog opisa i skice iz projektne dokumentacije iz kojeg se vidi da je izvršena ugradnja 2 spremnika sa dvostrukim plaštom,
- Kopija Izvještaja o monitoringu kvaliteta i kvantiteta otpadnih voda monitoring benzinske pumpe „AUTO-AMMAR“ Velika Kladuša, urađen od strane Inspekcijanskog tijela „Inspekt – RGH“ d.o.o. Sarajevo, pod brojem 1026/21, juna 2021. godine, sa rezultatom da parametri kvaliteta otpadne vode zadovoljava kriterije, navedene u Uredbi,
- Plan o upravljanju otpadom za period 2020. – 2023. godine, za objekt benzinske pumpe, urađen od strane direktora Društva d.o.o. „AUTO - AMMAR“ Velika Kladuša, dana 28.09.2021. godine, pod brojem 03/2021,
- Kopija Rješenja o vodnoj dozvoli, izdanoj bivšem vlasniku „AUTO – WAL“ doo Velika Kladuša, pod brojem UP-I-25-3-40-153-3/13, dana 25.02.2013. godine, od strane Agencije za vodno područje rijeke Save u Sarajevu,
- Kopija Ugovora o poslovnoj suradnji sklopljen između JKP „Vodovod i kanalizacija“ d.o.o. Velika Kladuša i „AUTO-AMMAR“ doo Velika Kladuša, o snabdijevanju pitkom vodom, od dana 11.10.2021.godine,
- Kopija Prepisa Ugovora o prodaji nekretnina u vlasništvu d.o.o. „MS-JAPIĆ“ Cazin, pravnom licu d.o.o. „AUTO-WAL“ Velika Kladuša, urađenog od strane notara Adema Jakupovića, pod šifrom 187/09, u Bihacu,
- Ugovor o zakupu poslovnog prostora (benzinska stanica) između Mujakić Mirsada kao zakupodavca i „AUTO – AMMAR“ doo Velika Kladuša, zaključen dana 18.10.2020. godine u Velikoj Kladuši,
- Ugovor o izvođenju radova između „Auto – Ammar“ doo Velika Kladuša i „Delta Petrol“ doo Kakanj pod brojem 02/21-DS, o odvozu i zbrinjavanju opasnog otpada, čišćenju separatora i septičke jame,

Nakon pregleda dostavljene dokumentacije, u skladu sa članom 21. stav 5. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 06/08), izvršen je pregled objekta benzinske pumpe „AUTO-AMMAR“ d.o.o. Velika Kladuša, i tom prilikom sačinjen zapisnik o uviđaju broj: UP-I/25-3-40-486-3/21 od 01.12.2021. godine.

Objekt benzinske pumpe, „AUTO-AMMAR“ d.o.o. Velika Kladuša je lociran u ulici Prve muslimanske brigade bb, naselje Polje, općina Velika Kladuša, sa desne strane magistralne ceste M-4.2, Bihac – Cazin – Velika Kladuša. Objekt se nalazi cca 500 metara udalje od vodotoka riječice Kladušnice.

Pored objekta benzinske pumpe sa nadstrešnicom, u sklopu benzinske pumpe se nalazi i objekt automatske autopraonice, koja trenutno nije u upotrebi. Na prostoru predmetne benzinske pumpe se vrši prodaja dizel goriva i euro super benzinskog goriva BMB 95.

Gorivo se drži uskladišteno u spremike sa dvostrukom stijenkom, R-1 (prema podnosiocu zahtjeva, plan upravljanja otpadom) od $100 \text{ m}^3 / 2 \times 2$ od kojih jedan spremnik 50 m^3 (koji nije u upotrebi), u omjeru

100 m³ dizela i 50 m³ BMB 95, za ugrađene spremnike podnosilac zahtjeva nije priložio atestnu dokumentaciju.

Sanitarne otpadne vode sa predmetne benzinske pumpe su kanalizacionim cijevima sprovedene do septika, čiji je preliv spojen na gradsku kanalizacionu mrežu.

Oborinske vode sa krovova su sistemom horizontalnih i vertikalnih oluka sprovedene do prihvatnih šahtova, od kojih su sistemom kišne kanalizacione mreže sprovedene u gradsku kanalizacionu mrežu.

Oborinske vode koje mogu biti zaoljene naftnim derivatima sa prostora pretakališta i manipulativnih površina, su sistemom kanalisa, slivnih rešetki i slivnika, te nivelacijom terena prema istima, sprovedene do trokomornog betonskog separatora ulja i masti (prema projektu), odnosno , četverokomornog metalnog (prema podnosiocu zahtjeva, plan upravljanja otpadom) čiji je preliv priključen na gradsku kanalizacionu mrežu. Za ugrađeni separator ulja i masti podnosilac zahtjeva nije priložio atestnu dokumentaciju.

Tehničkom dokumentacijom nisu obrađeni svi potrebni elementi koji su propisani zakonom a potrebni za izdavanje vodne dozvole (glavni projekt ne sadrži projekt vanjskih hidroinstalacija izvan objekta) a što je uslov iz tačke 3.2. ovog Rješenja i što ograničava rok na koji se izdaje ovaj vodni akt.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama članova 53. i 116. Zakona o vodama, člana 12. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 14. Uredbe o uslovima ispuštanja otpadnih voda u okoliš i sisteme javne kanalizacije.

Tačka 5. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „AUTO-AMMAR“ d.o.o. Velika Kladuša, ispunio minimum uvjeta za izdavanje vodne dozvole, kako je to regulisano članom 115. do člana 118. Zakona o vodama („Službene novine Federacije BiH“, broj 70/06)., te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98 i 8/00).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta

Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „AUTO-AMMAR“ d.o.o. Velika Kladuša, Ulica Prve Muslimanske brigade bb, 77 250 Velika Kladuša
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča